

Lelaki pecah rumah dan curi kena lapan bulan

SIBU: Mahkamah Majistret Sibu semalam menjatuhkan hukuman penjara lapan bulan terhadap seorang lelaki atas pertuduhan pecah rumah serta mencuri lima unit 'roller shutter', 27 April lepas.

Majistret Romario Jono yang mendengar serta menerima pengakuan bersalah tertuduh, Wong Kim Wei, 35, turut memerintahkan tertuduh menjalani hukuman penjara itu berkuat kuasa pada tarikh pen-sabitan semalam.

Wong terdahulu di-dakwa atas pertuduhan melakukan pecah rumah dengan niat untuk mencuri lima 'roller shutter' dari sebuah premis di Jalan Intan pada 27 April 2026, jam lebih kurang 8 malam.

Sehubungan itu, tertuduh didakwa melakukan kesalahan di bawah Seksyen 457 Kanun Keseksan, yang memperuntukkan hukuman penjara sehingga 14 tahun dan juga denda, jika sabit kesalahan.

Berdasarkan fakta kes, pada 28 April 2026, kira-kira jam 8 pagi, pengadu yang juga setiausaha persatuan mendapati premis kedai milik persatuan telah dipecah masuk oleh individu tidak dikenali.

Setelah diperiksa, pengadu mendapati lima unit 'roller shutter' yang disimpan di dalam premis telah hilang, dengan kerugian dianggarkan RM10,000.

Pada hari sama kira-kira jam 2.15 petang, pihak polis telah menahan tiga suspek termasuk tertuduh di pekara-ngan sebuah rumah di Jalan Chong Sang bagi membantu siasatan.

Siasatan yang di-jalankan mendapati tertuduh telah memecah masuk premis terbabit serta mencuri 'roller shutter' terbabit pada 27 April 2026, jam lebih kurang 8 malam.

Pendakwaan kes dikendalikan oleh Pegawai Pendakwa ASP Sokolinkam Changan, sementara tertuduh tidak diwakili peguam.